



ԵԴ/0107/01/22

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Երևան քաղաքի առաջին ատյանի
ընդհանուր իրավասության քրեական դատարան,
նախագահող դատավոր՝ Ա.Դանիբեկյան

Հայաստանի Հանրապետության
վերաքննիչ քրեական դատարան,
նախագահող դատավոր՝ Ս.Համբարձումյան
դատավորներ՝ Լ.Հովհաննիսյան
Մ.Մելքոնյան

28 նոյեմբերի 2025 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Ա.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

գրավոր ընթացակարգով քննության առնելով մեղադրյալ Արմենակ Դևոնյի
Խաչատրյանի վերաբերյալ ՀՀ վերաքննիչ քրեական դատարանի՝ 2024 թվականի
դեկտեմբերի 11-ի որոշման դեմ ՀՀ գլխավոր դատախազ Ա.Վարդապետյանի
վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. 2021 թվականի ապրիլի 17-ին, ՀՀ քննչական կոմիտեի Երևան քաղաքի քննչական վարչության Էրեբունի և Նուբարաշեն վարչական շրջանների քննչական բաժնում, 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ նաև ՀՀ քրեական օրենսգիրք) 235-րդ հոդվածի 1-ին մասով և 258-րդ հոդվածի 1-ին մասով նախատեսված հանցագործությունների հատկանիշներով հարուցվել է թիվ 12107721 քրեական գործը:

2021 թվականի ապրիլի 17-ին Արմենակ Ղևոնդի Խաչատրյանը ձերբակալվել է:

Նախաքննության մարմնի՝ 2021 թվականի ապրիլի 19-ի որոշմամբ Արմենակ Խաչատրյանը ներգրավվել է որպես մեղադրյալ և նրան մեղադրանք է առաջադրվել ՀՀ քրեական օրենսգրքի 258-րդ հոդվածի 1-ին մասով և 235-րդ հոդվածի 1-ին մասով:

Երևան քաղաքի առաջին ատյանի ընդհանուր իրավասության դատարանի՝ 2021 թվականի ապրիլի 19-ի որոշմամբ մեղադրյալ Ա.Խաչատրյանի նկատմամբ որպես խափանման միջոց է կիրառվել կալանքը՝ 2 (երկու) ամիս ժամկետով:

Երևան քաղաքի առաջին ատյանի ընդհանուր իրավասության դատարանի՝ 2021 թվականի ապրիլի 30-ի որոշմամբ մեղադրյալ Ա.Խաչատրյանի նկատմամբ կիրառված խափանման միջոցի փոխարեն կիրառվել է գրավը՝ գրավի չափ սահմանվելով 2.500.000 (երկու միլիոն հինգ հարյուր հազար) ՀՀ դրամը:

Նախաքննության մարմնի՝ 2021 թվականի դեկտեմբերի 29-ի որոշմամբ Ա.Խաչատրյանին առաջադրված մեղադրանքը փոփոխվել է և նրան նոր մեղադրանք է առաջադրվել ՀՀ քրեական օրենսգրքի 258-րդ հոդվածի 1-ին մասով ու 235-րդ հոդվածի 1-ին մասով:

2022 թվականի հունվարի 10-ին քրեական գործը մեղադրական եզրակացությամբ ուղարկվել է Երևան քաղաքի առաջին ատյանի ընդհանուր իրավասության դատարան:

2. Երևան քաղաքի առաջին ատյանի ընդհանուր իրավասության քրեական դատարանի (այսուհետ՝ նաև Առաջին ատյանի դատարան)՝ 2024 թվականի մարտի 26-ի որոշմամբ Ա.Խաչատրյանի նկատմամբ ՀՀ քրեական օրենսգրքի 258-րդ հոդվածի 1-ին մասով քրեական հետապնդումը դադարեցվել է՝ քրեական պատասխանատվության ենթարկելու վաղեմության ժամկետներն անցնելու հետևանքով: Նույն որոշմամբ Ա.Խաչատրյանի նկատմամբ կիրառված խափանման միջոց գրավը փոխարինվել է չհետանալու մասին ստորագրությամբ:

2.1. Առաջին ատյանի դատարանի՝ 2024 թվականի հուլիսի 4-ի դատավճռով Ա.Խաչատրյանը մեղավոր է ճանաչվել ՀՀ քրեական օրենսգրքի 235-րդ հոդվածի 1-ին մասով և նրա նկատմամբ պատիժ է նշանակվել ազատազրկում՝ 1 (մեկ) տարի ժամկետով, որին հաշվակցվել է կալանքի տակ գտնվելու ժամանակահատվածն ու նրան թողնվել է կրելու ազատազրկում՝ 11 (տասնմեկ) ամիս 16 (տասնվեց) օր ժամկետով: Ա.Խաչատրյանի նկատմամբ ազատազրկման ձևով նշանակված պատիժը պայմանականորեն չի կիրառվել, ու սահմանվել է փորձաշրջան՝ 3 (երեք) տարի ժամկետով:

3. Դատախազի վերաքննիչ բողոքի հիման վրա քննության առնելով քրեական գործը՝ ՀՀ վերաքննիչ քրեական դատարանը (այսուհետ՝ նաև Վերաքննիչ դատարան) 2024 թվականի դեկտեմբերի 11-ին որոշում է կայացրել բողոքը մերժելու, Առաջին ատյանի դատարանի՝ 2024 թվականի հուլիսի 4-ի դատավճիռն անփոփոխ թողնելու մասին:

4. Վերաքննիչ դատարանի վերոնշյալ որոշման դեմ ՀՀ գլխավոր դատախազ Ա.Վարդապետյանը բերել է վճռաբեկ բողոք, որը Վճռաբեկ դատարանի՝ 2025 թվականի հոկտեմբերի 10-ի որոշմամբ ընդունվել է վարույթ և սահմանվել է դատական վարույթի իրականացման գրավոր ընթացակարգ:

Վճռաբեկ բողոքի հիմքերը, փաստարկները և պահանջը.

Վճռաբեկ բողոքը քննվում է հետևյալ հիմքի սահմաններում՝ ներքոհիշյալ փաստարկներով.

5. Բողոքի հեղինակի պնդմամբ՝ Վերաքննիչ դատարանը թույլ է տվել դատական սխալ, որն ազդել է վարույթի ելքի վրա, ու միաժամանակ առկա է օրենքի միատեսակ կիրառության ապահովման անհրաժեշտություն:

Մասնավորապես, բողոք բերած անձը գտել է, որ ազատագրկման ձևով նշանակված պատիժը պայմանականորեն չկիրառելիս ստորադաս դատարանը Վճռաբեկ դատարանի վերաբերելի նախադեպային իրավունքի լույսի ներքո պատշաճ իրավական վերլուծության չի ենթարկել մեղադրյալ Ա.Խաչատրյանի անձի և նրա կատարած արարքի հանրային վտանգավորության վրա ազդող ստորև նշված գործոնները, որոնք վկայում են մեղադրյալի անձի և նրա կատարած արարքի հանրային բարձր վտանգավորության մասին:

Այսպես՝ պատշաճ իրավական գնահատականի չի արժանացել կատարված հանցանքի բնույթը և հանրային վտանգավորության աստիճանը, այդ թվում՝ խախտված հասարակական հարաբերության բնույթն ու կարևորությունը, մեղադրյալի հոգեբանական վերաբերմունքն իր արարքի նկատմամբ և հանցագործության առարկայի տեսակները: Այս համատեքստում բողոքի հեղինակը փաստարկել է, որ մեղադրյալը, գործելով ուղղակի դիտավորությամբ, ապօրինի կերպով ձեռք է բերել և իր բնակության վայրին կից արհեստանոցում պահել է 1 հատ ինքնաձիգ, տարբեր տրամաչափերի՝ 243 հատ փամփուշտ, նոնակներ, պայթուցիչներ ու պայթուցիչ նյութեր: Այս կապակցությամբ բողոքաբերը փաստարկել է, որ մեղադրյալը չի բացահայտել դրանց ձեռքբերման իրական աղբյուրը, նպատակը և շարժառիթը: Նշվածից զատ, մեղադրյալը, գտնվելով ավտոմոբիլի ազդեցության տակ, անկանոն կրակոցներ է արձակել հանցագործության առարկա հրազենից:

Միաժամանակ, մեղադրյալի նկատմամբ ազատագրկման ձևով նշանակված պատիժը պայմանականորեն չկիրառելիս ստորադաս դատարանի հաշվի առնված հանգամանքները, ըստ բողոքի հեղինակի, չեն կարող ողջամտորեն նվազեցնել մեղադրյալ Ա.Խաչատրյանի անձի և նրա կատարած արարքի հանրային վտանգավորության աստիճանն ու ազատագրկման ձևով նշանակված պատիժը պայմանականորեն չկիրառելու հիմք հանդիսանալ:

Արդյունքում բողոքի հեղինակը եզրահանգել է, որ սույն վարույթի փաստական հանգամանքների համակցությունը, այդ թվում՝ վերլուծված տվյալները, վկայում են առանց պատիժը փաստացի կրելու պատժի նպատակներին հասնելու անհնարինության մասին:

6. Վերոգրյալի հիման վրա, բողոք բերած անձը խնդրել է մասնակիորեն բեկանել Վերաքննիչ դատարանի՝ 2024 թվականի դեկտեմբերի 11-ի որոշումը և կայացնել դրան փոխարինող դատական ակտ՝ վերացնելով մեղադրյալ Ա.Խաչատրյանի նկատմամբ ազատազրկման ձևով նշանակված պատիժը պայմանականորեն չկիրառելը կամ վարույթը փոխանցել համապատասխան ստորադաս դատարան՝ նոր քննության:

Վճռաբեկ բողոքի քննության համար էական նշանակություն ունեցող փաստական հանգամանքները.

7. Արմենակ Խաչատրյանը ՀՀ քրեական օրենսգրքի 235-րդ հոդվածի 1-ին մասով մեղավոր է ճանաչվել այն արարքի համար, որ նա. «(...) [Խ]ախրելով «Ջենքի մասին» ՀՀ օրենքով սահմանված կարգը, քննությամբ չպարզված հանգամանքներում և անձից ապօրինի կերպով ձեռք է բերել, պահել և փոխադրել է ակոսափող հրազեն հանդիսացող 1984 թվականի գործարանային արտադրության «AKC-74Y» տեսակի 5,45 մմ (5,45x 39) տրամաչափի «935914» համարի ինքնաձիք, ռազմամթերք հանդիսացող՝ 1981թ., 1982թ., 1986թ. և 1987թ. գործարանային արտադրության 110 հատ 5.45մմ տրամաչափի փամփուշներ, 1974թ., 1975թ., 1971թ., 1973թ. և 1961թ. գործարանային արտադրության 68 հատ 7.62մմ տրամաչափի փամփուշներ և գործարանային արտադրության 65 հատ 5.66մմ տրամաչափի փամփուշներ, 1 հատ «Փ-1» տեսակի 1972 թվականի գործարանային արտադրության պաշտպանողական ձեռքի բեկորային մարտական նոնակ, 4 հատ «ՔԴ-42» տեսակի 1958թ. և 1944թ. գործարանային արտադրության հարձակողական ձեռքի մարտական նոնակներ, 2 հատ «ՅԹ-ՈՅ-ՈՄ» տեսակի գործարանային արտադրության էլեկտրական հրապարիճ-ճայթիչներ, 3 հատ «ԿԴ-8С» տեսակի հրապարիճ-ճայթիչներ, պայթուցիկ սարքեր հանդիսացող՝ 5 հատ «ԿՅՐԶՄ»

տեսակի 1971թ., 1973թ., 1966թ. և 1951թ. գործարանային արտադրության պայթուցիչներ, պայթուցիչ նյութեր հանդիսացող՝ գործարանային արտադրության 1 հար 200 գրամանոց տրոփիլային պայթաղյուս և գործարանային արտադրության 200 գրամանոց «аломит 6ЖВ» տեսակի փամփուշներ, որոնք հայտնաբերվել են 17.04.2021թ. Երևան քաղաքի ***** ***** *** հասցեին հարակից գտնվող արհեստանոցում կայարարված դեպքի վայրի զննության ընթացքում¹:

8. Առաջին ատյանի դատարանը, մեղադրյալ Ա.Խաչատրյանի նկատմամբ ազատազրկման ձևով նշանակված պատիժը կրելու նպատակահարմարության հարցը քննարկելիս արձանագրել է, որ. «(...) Ա.Խաչատրյանի կայարարած՝ ՀՀ քրեական օրենսգրքի 235-րդ հոդվածի 1-ին մասով նախատեսված արարքը հանդիսանում է հասարակական անվտանգության դեմ ուղղված, ուղղակի դիտավորությամբ կայարարվող հանցանք, որը դասվում է միջին ծանրության հանցագործությունների թվին: Գնահատելով Ա.Խաչատրյանի կայարարած արարքի հանրության համար վրանգավորությունը՝ դրա կայարարման հանգամանքների տեսանկյունից, [Առաջին ատյանի] դատարանը, ի թիվս այլ հանգամանքների, հաշվի է առնում նաև այն, որ դրա առարկան հանդիսանում են գործարանային արտադրության «AKC-74Y» տեսակի 5,45 մմ (5,45x 39) տրամաչափի «935914» համարի ինքնաձիք, փամփուշներ, գործարանային արտադրության պաշտպանողական ձեռքի բեկորային մարտական նոնակ, գործարանային արտադրության հարձակողական ձեռքի մարտական նոնակներ, գործարանային արտադրության էլեկտրական հրապատիճ-ճայթիչներ, որպիսիք օժտված են վնաս պատճառելու բարձր ունակությամբ, ինչպես նաև դրանց քանակը, ինչը բարձրացնում է արարքի հանրային վրանգավորությունը:

Որպես ամբաստանյալ Ա.Խաչատրյանի անձը բնութագրող տվյալներ [Առաջին ատյանի] դատարանը հաշվի է առնում այն, որ վերջինս նախկինում դատապարտված չի եղել, վարատող է՝ վերջինիս մոտ ախտորոշվել են «***
 ***** *****՝ միջին ծանրության: ***** *****
 ***** *****՝ ***** ***** ***** ***** *****

¹ Տե՛ս, քրեական գործ, հատոր 1-ին, թերթեր 314-322:

*****. ***** ***** ***** ***** ***** *****
 *****_***** ***** ***** ***** *****», «*****
 *****», «***** ***** **» ***** (հիմք՝ ՀՀ ԱՆ
 «Քրեակարարողական բժշկության կենտրոն» ՊՈԱԿ-ի 26.04.2021թ. թիվ 359
 գրություն, «Մեղլայն Կլինիկ» ՍՊԸ-ի կողմից 06.05.2021թ. տրված տեղեկանք,
 «Պավլ-Մեդ» ՍՊԸ բժշկական կենտրոնի կողմից տրված թիվ *** քաղվածք),
 բնութագրվում է դրական (հիմք «Արցախ-4» համարիչության ղեկավարի կողմից
 19.04.2021թ. հաստատված բնութագիր):

Որպես ամբաստանյալ Ա.Խաչատրյանի պարասխանարվությունը և պարիժը
 մեղմացնող հանգամանքներ [Առաջին արյանի] դատարանը դիտում է նրա կողմից
 մեղքն ընդունելը, կարարած հանցանքի համար զղջալը:

Որպես ամբաստանյալ Ա.Խաչատրյանի պարասխանարվությունը և պարիժը
 ծանրացնող հանգամանք [Առաջին արյանի] դատարանը դիտում է հանցանքն
 ակոհողի ազդեցության տակ կարարելը:

(...) Վերլուծելով և գնահատելով վերը նշված հանգամանքներն իրենց
 համակցության մեջ, [Առաջին արյանի] դատարանը հանգում է հետևության, որ
 տվյալ դեպքում պարժի նպատակներին հնարավոր է հասնել առանց մեղադրյալի
 կողմից ազատագրվման ձևով պարիժը փաստացի կրելու, (...)»²:

9. Վերաքննիչ դատարանը, վիճարկվող դատական ակտն անփոփոխ
 թողնելով, արձանագրել է հետևյալը. «(...) Ա.Խաչատրյանի նկատմամբ
 ազատագրվման ձևով նշանակված պարիժը պայմանականորեն չկիրառելով՝
 հնարավոր է հասնել ՀՀ քրեական օրենսգրքի 48-րդ հոդվածով սահմանված
 պարժի նպատակներին (...):

Վերաքննիչ դատարանը նման եզրահանգման գալիս նաև հաշվի է առնում այն
 հանգամանքը, որ ՀՀ ԱՆ «Քրեակարարողական բժշկության կենտրոն» ՊՈԱԿ-ի
 26.04.2021թ. թիվ 359 գրությամբ հայտնվել է, որ «... 22.04.2021թ. «Իզմիրյան»
 բժշկական կենտրոնից տրված տեղեկանքի համաձայն՝ վերջինիս ցուցվել է
 կիրառել **** ապարար՝ երկարատև **** թերապիա: Ա.Խաչատրյանի

² Տե՛ս, քրեական գործ, հատոր 3-րդ, թերթեր 152-159:

հարազատների կողմից նշված սարքավորումը տրամադրվել է 23.04.2021թ.: Ներկայումս «Քրեակադրոնական բժշկության կենտրոն» ՊՈԱԿ-ը չունի **** սարքավորում Ա.Խաչատրյանին տրամադրելու համար, ինչպես նաև չունի համապատասխան մասնագետ վերջինիս ինսամքն ապահովելու համար»:

(...)

Բացի այդ, Վերաքննիչ դատարանի գնահատմամբ՝ ամբաստանյալ Ա.Խաչատրյանին մեղսագրվող ռազմամթերքի և հրազենի զանազանությունը, քանակն այն աստիճան չեն բարձրացնում կատարված արարքի հանրային վրանգավորության աստիճանը, որի դեպքում կարող է բացառվել վերջինիս նկատմամբ ազատագրվման ձևով նշանակված պատիժը պայմանականորեն չկիրառելը:

Միևնույն ժամանակ, Վերաքննիչ դատարանն իր անհամաձայնությունն է հայտնում հանցանքն ալկոհոլի ազդեցության տակ կատարելը որպես ամբաստանյալ Ա.Խաչատրյանի պատասխանատվությունն ու պատիժը ծանրացնող հանգամանք դիտելու վերաբերյալ Առաջին արյանի դատարանի եզրահանգման կապակցությամբ՝ նկատի ունենալով, որ ամբաստանյալի կողմից 2021թ. ապրիլի 17-ին ալկոհոլ օգտագործելը որևէ կերպ չի նպաստել վերջինիս կողմից չպարզված հանգամանքներում և անձից ապօրինի հրազեն և ռազմամթերք ձեռք բերելուն, փոխադրելուն և տևական ժամանակ իր արհեստանոցում պահելուն»³:

Վճռաբեկ դատարանի հիմնավորումները և եզրահանգումը.

10. Սույն վարույթով Վճռաբեկ դատարանի առջև բարձրացված իրավական հարցը հետևյալն է. հիմնավո՞ր է արդյոք մեղադրյալ Ա.Խաչատրյանի կողմից կատարված հանցանքի համար ազատագրվման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունը:

³ Տե՛ս, քրեական գործ, հատոր 4-րդ, թերթեր 85-96:

11. Հրազենի օրինական շրջանառության սահմանված կարգի դեմ ուղղված հանցանք կատարած անձանց նկատմամբ կիրառման ենթակա քրեաիրավական ներգործության միջոցի համաչափությունն ապահովելու առումով գնահատման ենթակա հանգամանքներն արդեն իսկ բացահայտվել են Վճռաբեկ դատարանի նախադեպային իրավունքում⁴:

12. Սույն վարույթի նյութերի ուսումնասիրությունից երևում է, որ.

- Ա.Խաչատրյանը մեղավոր է ճանաչվել այն արարքի համար, որ նա չպարզված հանգամանքներում ապօրինի կերպով ձեռք է բերել, փոխադրել և Երևան քաղաքի ***** ***** *** հասցեին հարակից իր արհեստանոցում պահել է ակոսափող հրազեն հանդիսացող՝ գործարանային արտադրության «ԱԿՇ-74Մ» տեսակի, 5.45 միլիմետր (5.45x39) տրամաչափի ինքնաձիգ, ռազմամթերք հանդիսացող՝ 110 հատ 5.45 միլիմետր, 68 հատ 7.62 միլիմետր և 65 հատ 5.6 միլիմետր տրամաչափերի գործարանային արտադրության փամփուշտ, 1 հատ «Փ-1» տեսակի պաշտպանողական ձեռքի բեկորային և 4 հատ «ՔԴ-42» տեսակի հարձակողական ձեռքի մարտական նոնակ, 5 հատ «ԿՅՐԳՄ» տեսակի պայթուցիչ (պայթուցիկ սարք), հրապատիճ-ճայթիչներ՝ 3 հատ «ԿԴ-8Ը» տեսակի (Էլեկտրական) ու 2 հատ «ՅԴ-ԿՅ-ՄՄ» տեսակի ու պայթուցիչ նյութեր հանդիսացող՝ 1 հատ 200 գրամանոց տրոտիլային պայթադուր և 200 գրամանոց «ամոնիտ 6ԺՎ» տեսակի փամփուշտներ, որոնք 2021 թվականի ապրիլի 17-ին հայտնաբերվել են վարութային գործողության ընթացքում⁵,

- Առաջին ատյանի դատարանը մեղադրյալ Ա.Խաչատրյանի նկատմամբ ազատազրկման ձևով նշանակված պատիժը կրելու նպատակահարմարության հարցը լուծելիս ընդգծել է, որ հաշվի է առնում կատարված հանցանքի բնույթը և հանրային վտանգավորության աստիճանը, այդ թվում՝ հանցագործության առարկա հրազենի, ռազմամթերքի ու պայթուցիկ նյութերի քանակը և տեսակը, ընդ որում՝

⁴ Տե՛ս, *inter alia*, Վճռաբեկ դատարանի՝ Գառնիկ Գալստյանի գործով 2014 թվականի դեկտեմբերի 16-ի թիվ ԵՄԴ/0027/01/14, Արզակ Հակոբյանի գործով 2022 թվականի մարտի 30-ի թիվ ԼԴ/0090/01/20, Հարություն Իսկանդարյանի գործով 2024 թվականի դեկտեմբերի 6-ի թիվ ԵԴ/1777/01/23 և Երվանդ Պեղրոսյանի գործով 2025 թվականի ապրիլի 25-ի թիվ ԵԴ/1946/01/21 որոշումները:

⁵ Տե՛ս սույն որոշման 7-րդ կետը:

վերջին ցուցիչը, ըստ Առաջին ատյանի դատարանի՝ վկայում է, որ ապօրինի կերպով շրջանառության մեջ դրված այդ առարկաներն օժտված են մեծ վնաս պատճառելու հատկությամբ: Վերոգրյալի հետ մեկտեղ Առաջին ատյանի դատարանն ընդգծել է, որ հաշվի է առնում մեղադրյալի անձը բնութագրող փաստական տվյալներն ու պատասխանատվությունը և պատիժը մեղմացնող հանգամանքները՝ մասնավորապես, դրական բնութագրվելը, նախկինում դատապարտված չլինելը, վատառողջ լինելը, առաջադրված մեղադրանքում իրեն մեղավոր ճանաչելն ու կատարած արարքի համար զղջալը, ինչպես նաև՝ պատասխանատվությունը և պատիժը ծանրացնող հանգամանքը՝ հանցանքն ակոհողի ազդեցության տակ կատարելը: Արդյունքում, Առաջին ատյանի դատարանը եզրահանգել է, որ նշված հանգամանքներն իրենց համակցության մեջ բավարար հիմքեր են տալիս գալու հետևության, որ պատժի նպատակների իրականացումը հնարավոր է առանց պատիժը կրելու⁶,

- Վերաքննիչ դատարանը, համաձայնելով Առաջին ատյանի դատարանի հիշյալ եզրահանգմանը, ընդգծել է, որ նաև հաշվի է առնում. ա) մեղադրյալ Ա.Խաչատրյանի առողջական վիճակի վերաբերյալ առկա տեղեկությունները, մասնավորապես, «Իզմիրյան» բժշկական կենտրոնում կազմված տեղեկանքի համաձայն՝ Ա.Խաչատրյանին ցուցված է «****» սարքի կիրառում՝ երկարատև «****» թերապիա, մինչդեռ, «Քրեակատարողական բժշկության կենտրոն» պետական ոչ առևտրային կազմակերպությունը նման սարք մեղադրյալին չի կարող տրամադրել՝ այդպիսին չունենալու պատճառաբանությամբ, և միաժամանակ չունի համապատասխան մասնագետ մեղադրյալի խնամքն ապահովելու համար, բ) մեղադրանքի փաստական նկարագրի մեջ ձևակերպված զենքի ու ռազմամթերքի տեսակը և քանակն այն աստիճանի չեն բարձրացնում արարքի հանրային վտանգավորության աստիճանը, որ բացառեն պատիժը պայմանականորեն չկիրառելու հնարավորությունը, գ) հանցանքն ակոհողի ազդեցության տակ կատարելը որպես պատիժը ծանրացնող հանգամանք չի կարող հաշվի առնվել, քանի որ ակոհող օգտագործելը որևէ կերպ չի նպաստել զենքի և ռազմամթերքի

⁶ Տե՛ս սույն որոշման 8-րդ կետը:

ապօրինի կերպով շրջանառությանը: Վերոգրյալի հետ մեկտեղ, Վերաքննիչ դատարանը մատնանշել է, որ մերձավոր ազգականները, դեռևս 2021 թվականի ապրիլի 23-ին, մեղադրյալին տրամադրել են «***» սարքը⁷:

13. Նախորդ կետում մեջբերված փաստական տվյալները գնահատելով սույն որոշման 11-րդ կետում վկայակոչված գործերով արտահայտված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ստորադաս դատարանները մեղադրյալ Ա.Խաչատրյանի նկատմամբ ազատագրկման ձևով նշանակված պատիժը պայմանականորեն չկիրառելիս, վարույթի փաստական հանգամանքները չեն դիտարկել համակցության մեջ և պատշաճ վերլուծության չեն ենթարկել մեղադրյալի անձի ու կատարված արարքի հանրային բարձր վտանգավորության մասին վկայող այնպիսի հանգամանքներ, ինչպիսիք են **վերջինիս մեղսագրվող հանցավոր արարքի բնույթը, հանցագործության եղանակն ու հանգամանքները**, ապօրինի կերպով շրջանառության մեջ դրված առարկաների **տեսակը, քանակն ու հատկությունները**, ինչպես նաև հանցավոր գործունեության տևողությունը:

Այսպես, մեղսագրվող արարքի հանրային վտանգավորության տեսանկյունից նախ գնահատման է արժանի այն հանգամանքը, որ ՀՀ քրեական օրենսգրքի 235-րդ հոդվածի 1-ին մասով Ա.Խաչատրյանին մեղսագրվում է հանցակազմի օբյեկտիվ կողմը կազմող մեկից ավելի արարքների կատարում, այն է՝ ապօրինի կերպով հրազեն, ռազմամթերք ու պայթուցիկ նյութեր **ձեռքբերելը, փոխադրելը և պահելը**:

Այս առումով հատկապես ուշագրավ են ապօրինի կերպով շրջանառվող առարկաների **տեսակը, քանակն ու հատկությունները**: Այսպես՝ Ա.Խաչատրյանը չպարզված հանգամանքներում ապօրինի կերպով ձեռք է բերել, փոխադրել և իր արհեստանոցում պահել է ակոսափող հրազեն համարվող՝ գործարանային արտադրության **5.45 միլիմետր տրամաչափի «AKC-74Y» տեսակի ինքնաձիգ**, ռազմամթերք հանդիսացող՝ ընդհանուր՝ **243** հատ տարբեր տրամաչափերի,

⁷ Տե՛ս սույն որոշման 9-րդ կետը:

ակոսափող հրազենի համար նախատեսված⁸, գործարանային արտադրության փամփուշտ, 1 հատ «Φ-1» տեսակի պաշտպանողական ձեռքի **բեկորային** և 4 հատ «РГ-42» տեսակի հարձակողական ձեռքի **մարտական նոնակներ**, 5 հատ «узрґм» տեսակի **պայթուցիչ (պայթուցիկ սարք)**, **պայթուցիչ նյութեր հանդիսացող**՝ 1 հատ 200 գրամանոց տրոտիլային պայթադուր և 200 գրամանոց «амонит 6жв» տեսակի փամփուշտներ ու հրապատիճ-ճայթիչներ՝ 3 հատ «кд-8с» տեսակի (էլեկտրական) և 2 հատ «эд-кз-пм» տեսակի:

Այս համատեքստում Վճռաբեկ դատարանը հարկ է համարում ուշադրություն դարձնել նաև այն փաստին, որ Ա.Խաչատրյանն ապօրինի կերպով ձեռք է բերել, փոխադրել և Երևան քաղաքի ***** հասցեին, այսինքն, **բնակելի շենքին հարակից** արհեստանոցում պահել է **պայթուցիչ նյութեր հանդիսացող**՝ 1 հատ 200 գրամանոց **տրոտիլային պայթադուր** ու 200 գրամանոց «амонит 6жв» տեսակի **փամփուշտներ** և ընդհանուր՝ 5 հատ տարբեր տեսակների **հրապատիճ-ճայթիչ**, ինչպես նաև՝ 1 հատ ձեռքի **բեկորային** ու 4 հատ ձեռքի **մարտական նոնակներ** և 5 հատ «узрґм» տեսակի **պայթուցիչ (պայթուցիկ սարք)**, որոնք իրենց հատկությամբ, ինչպես իրավացիորեն փաստարկել է Առաջին ատյանի դատարանը, օժտված են մեծ վնաս պատճառելու հատկությամբ: Ավելին՝ այդ արհեստանոցը, ըստ մեղադրյալի ցուցմունքի՝ օգտագործվում է ակվարիումների պատրաստման նպատակով⁹, հետևաբար, ողջամտորեն չի բացառվում այդ արհեստանոցում այլ անձանց ելումուտը: Վերոգրյալ հանգամանքները, Վճռաբեկ դատարանի գնահատմամբ, էականորեն բարձրացնում են կատարված արարքի հանրային վտանգավորության աստիճանը:

Վերոգրյալի հետ մեկտեղ, ուշադրության է արժանի նաև խախտված հասարակական հարաբերության բնույթն ու կարևորությունը՝ այն, որ մեղադրյալը ունձգել է հասարակության անվտանգության պաշտպանությանն ուղղված հասարակական հարաբերությունների դեմ:

⁸ Տե՛ս, քրեական գործ, հատոր 1-ին, դատաձգաբանական, դատապայթուցատեխնիկական և դատաքիմիական համալիր փորձաքննության եզրակացությունը, թերթեր 282-296:

⁹ Տե՛ս, հատոր 1-ին, մեղադրյալ Ա.Խաչատրյանի ցուցմունքը, թերթեր 89-91:

Բացի այդ, համաձայնելով «հանցանքն ակոհողի ազդեցությամբ կատարելը» որպես պատիժը ծանրացնող հանգամանքի կապակցությամբ Վերաքննիչ դատարանի պնդմանը, այնուամենայնիվ, Վճռաբեկ դատարանի գնահատմամբ՝ սույն վարույթի փաստական հանգամանքների պայմաններում, ուշագրավ է մեղադրյալի ցուցմունքն առ այն, որ գտնվելով ակոհողի ազդեցության տակ, մեղադրանքում նշված ինքնաձիգը դուրս է բերել արհեստանոցից և **գործադրել**¹⁰ ու այդ դեպքի առթիվ նախաձեռնած ընթացակարգի շրջանակներում կատարված վարութային գործողությունների ընթացքում էլ միայն հայտնաբերվել և կանխվել է տևող այս հանցագործությունը, այն է՝ մեղադրյալի կողմից շուրջ քսանյոթ տարի¹¹ մեղադրանքի ծավալում ներառված հրազենի, ռազմամթերքի, պայթուցիկ նյութերի ու սարքերի ապօրինի կերպով շրջանառությունը: Այս համատեքստում հարկ է նաև նկատել, որ Առաջին ատյանի դատարանը, Ա.Խաչատրյանի նկատմամբ ՀՀ քրեական օրենսգրքի 258-րդ հոդվածի 1-ին մասով հարուցված քրեական հետապնդումը դադարեցրել է քրեական պատասխանատվության ենթարկելու վաղեմության ժամկետներն անցնելու հետևանքով¹², ինչը քրեական հետապնդումը բացառող ոչ ռեպրիլիտացնող հիմք է: Ուստի, վերոգրյալ հանգամանքները կարևոր են Ա.Խաչատրյանի անձի և կատարած արարքի հանրային վտանգավորությունը բնութագրելիս:

14. Ընդհանրացնելով վերոշարադրյալը՝ Վճռաբեկ դատարանը փաստում է, որ ստորադաս դատարանները մեղադրյալ Ա.Խաչատրյանի նկատմամբ նշանակված պատիժը կրելու նպատակահարմարության հարցի վերաբերյալ եզրահանգումները չեն կառուցել վերոնշյալ հանգամանքների՝ իրենց ամբողջության մեջ մանրամասն վերլուծության վրա: Մասնավորապես՝ Վերաքննիչ դատարանը, գտնելով, որ մեղադրանքի փաստական նկարագրի մեջ նշված առարկաների զանազանությունը և քանակն այն աստիճանի չեն բարձրացնում արարքի հանրային վտանգավորության աստիճանը, որ բացառեն պատիժը պայմանականորեն

¹⁰ Տե՛ս, հատոր 3-րդ, մեղադրյալ Ա.Խաչատրյանի ցուցմունքը, թերթեր 152-159 և սթափության վիճակի գննության արձանագրություն, թերթ 29:

¹¹ Տե՛ս, հատոր 1-ին, մեղադրյալ Ա.Խաչատրյանի ցուցմունքը, թերթեր 89-91:

¹² Տե՛ս սույն որոշման 2-րդ կետը:

չկիրառելու հնարավորությունը, նման եզրահանգումը չի կառուցել արարքի և դրա հետևանքների նկատմամբ մեղադրյալի հոգեբանական վերաբերմունքի, հանցագործության հանգամանքների, եղանակի, ապօրինի կերպով շրջանառվող առարկաների **տեսակի, քանակի, հատկությունների** և մեղադրյալի անձի վերաբերյալ՝ սույն որոշմամբ մատնանշված տեղեկությունների համակցության մեջ պատշաճ վերլուծության ու գնահատման վրա: Նույն կերպ՝ Առաջին ատյանի դատարանն ընդգծելով հանդերձ, որ պատիժը պայմանականորեն չկիրառելու հարցը լուծելիս հաշվի է առնում ապօրինի շրջանառության մեջ դրված առարկաների տեսակը, քանակը և հատկությունը, այնուամենայնիվ որոշումը չի կառուցել վերոնշյալ հանգամանքների՝ իրենց ամբողջության մեջ մանրամասն վերլուծության վրա:

Ինչ վերաբերում է պատիժը պայմանականորեն չկիրառելիս հաշվի առնված՝ մեղադրյալի առողջական վիճակը բնութագրող հանգամանքին, հարկ է ընդգծել, որ մեղադրյալի առողջական վիճակի գնահատումը ևս էական նշանակություն ունի քրեաիրավական ներգործության համաչափ միջոց ընտրելու հարցում¹³: Տվյալ դեպքում մեղադրյալի անազատության մեջ գտնվելու պայմաններում անհրաժեշտ բժշկական օգնությունը և սպասարկումը կազմակերպվելու հնարավորության գնահատման համատեքստում Վերաքննիչ դատարանն արձանագրելով, որ մեղադրյալին ցուցված՝ ***** «****» սարքը «Քրեակատարողական բժշկության կենտրոն» պետական ոչ առևտրային կազմակերպությունը չի կարող տրամադրել, և միաժամանակ չունի համապատասխան մասնագետ մեղադրյալի խնամքն ապահովելու համար, բավարար ուշադրության չի արժանացրել, որ քրեակատարողական հիմնարկներում դատապարտյալների բժշկական օգնությունը և սպասարկումն իրականացվում է ոչ միայն «Քրեակատարողական բժշկության կենտրոն» պետական ոչ առևտրային կազմակերպության, այլ նաև բժշկական օգնություն և սպասարկում իրականացնող առողջապահական մարմինների բուժական հիմնարկների, այսինքն, քաղաքացիական բուժհաստատությունների

¹³ Տե՛ս Վճռաբեկ դատարանի՝ *Ալեքսան Հակոբյանի* գործով 2017 թվականի օգոստոսի 21-ի թիվ ՇԴ/0025/01/16 որոշման 16-17-րդ կետերը և *Գերասիմ Վարդանյանի* գործով 2020 թվականի հունվարի 10-ի թիվ ԵԿԴ/0289/01/17 որոշման 18.1-րդ կետը:

միջոցով¹⁴։ Ինչ վերաբերում է հիշյալ կազմակերպության կողմից «****» սարք տրամադրելու անհնարինության մասին Վերաքննիչ դատարանի պնդմանը, ապա դրան հակադարձ է Վերաքննիչ դատարանի արձանագրումն առ այն, որ այդ սարքը, դեռևս 2021 թվականի ապրիլի 23-ին, մեղադրյալին տրամադրել են նրա մերձավոր ազգականները։ Ուստի, Վճռաբեկ դատարանը եզրահանգում է, որ բավարար հիմնավորումներ չի ներկայացվել և ներկայացված նյութերում առկա չէ որևէ փաստական հանգամանք, որը հիմք կտար եզրահանգելու, որ Ա.Խաչատրյանին անհրաժեշտ բուժօգնությունը չի կարող համապատասխան եղանակներով կազմակերպվել ազատազրկման ձևով նշանակված պատժի կրման ընթացքում։

Նման պայմաններում, Վճռաբեկ դատարանն արձանագրում է, որ ստորադաս դատարանների՝ մեղադրյալ Ա.Խաչատրյանի նկատմամբ նշանակված պատիժը պայմանականորեն չկիրառելու հիմքում դրած հանգամանքները բավարար չեն կարող համարվել ողջամիտ հետևության հանգելու առ այն, որ պատժի նպատակների իրագործման տեսանկյունից բացակայում է Ա.Խաչատրյանի նկատմամբ ազատազրկման ձևով նշանակված պատիժը փաստացի կրելու անհրաժեշտությունը։ Այլ կերպ՝ ստորադաս դատարանների կողմից Ա.Խաչատրյանի նկատմամբ ազատազրկման ձևով նշանակված պատիժը պայմանականորեն չկիրառելիս արձանագրված հանգամանքները ողջամտորեն չեն նվազեցնում մեղադրյալի կամ նրա կատարած արարքի հանրային վտանգավորության աստիճանն այնքան, որ վերջինի նկատմամբ նշանակված պատիժը պայմանականորեն չկիրառելը լինի հիմնավոր։

15. Վերոշարադրյալի հիման վրա Վճռաբեկ դատարանն արձանագրում է, որ մեղադրյալ Ա.Խաչատրյանի կողմից կատարված հանցանքի համար ազատազրկման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունը հիմնավորված չէ։

Այսպիսով, Վճռաբեկ դատարանը գտնում է, որ ստորադաս դատարանները, Ա.Խաչատրյանի նկատմամբ ազատազրկման ձևով նշանակված պատիժը պայմանականորեն չկիրառելով, թույլ են տվել ՀՀ քրեական օրենսգրքի 70-րդ

¹⁴ Տե՛ս ՀՀ քրեակատարողական օրենսգրքի 91-րդ հոդվածը։

հողվածի խախտում: Այսինքն՝ թույլ է տրվել ՀՀ քրեական դատավարության օրենսգրքի 387-րդ հոդվածով նախատեսված՝ նյութական օրենքի ոչ ճիշտ կիրառում: Հետևաբար անհրաժեշտ է Ա.Խաչատրյանի նկատմամբ ազատազրկման ձևով նշանակված պատիժը պայմանականորեն չկիրառելու մասով ստորադաս դատարանների դատական ակտերը փոփոխել. նրա նկատմամբ ազատազրկման ձևով նշանակված պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելը պետք է վերացնել ու թողնել կրելու Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի հուլիսի 4-ի դատավճռով նշանակված՝ 11 (տասնմեկ) ամիս 16 (տասնվեց) օր ժամկետով ազատազրկումը՝ պատժի կրման սկիզբը հաշվելով Ա.Խաչատրյանին փաստացի արգելանքի վերցնելու պահից:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, ՀՀ քրեական դատավարության օրենսգրքի 31-րդ, 34-րդ, 264-րդ, 281-րդ, 361-րդ, 363-րդ և 385-387-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Արմենակ Ղևոնդի Խաչատրյանի վերաբերյալ Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի հուլիսի 4-ի դատավճիռը և այն անփոփոխ թողնելու մասին ՀՀ վերաքննիչ քրեական դատարանի՝ 2024 թվականի դեկտեմբերի 11-ի որոշումը փոփոխել:

Արմենակ Ղևոնդի Խաչատրյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 235-րդ հոդվածի 1-ին մասով ազատազրկման ձևով նշանակված պատիժը 2003 թվականի ապրիլի 18-ին ընդունված ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելը վերացնել և թողնել կրելու նրա նկատմամբ Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի հուլիսի 4-ի դատավճռով նշանակված՝ 11 (տասնմեկ) ամիս 16 (տասնվեց) օր ժամկետով ազատազրկումը:

Պատժի կրման սկիզբը հաշվել Արմենակ Ղևոնդի Խաչատրյանին փաստացի արգելանքի վերցնելու պահից:

2. Ստորադաս դատարանների դատական ակտերը մնացած մասով թողնել անփոփոխ:

Որոշումն օրինական ուժի մեջ է մտնում կայացնելու օրը:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Ա.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ